



Da la suprastanza cumünela

Dumandas / annunzchas da fabrica

La suprastanza aderischa a seguaintas dumandas :

- Inglüminaziun publica, parcella nr. 525, Susauna
- Refracziun transformatur, parcella nr. 524 e 525, Susauna
- Renovaziuns internas, Chesa 220, parcella nr. 531, Susauna
- Transformaziun magazin forestel in abitaziuns, parcella nr. 810, Chapella, Cinuos-chel
- Nouva chesa d'üna famiglia, parcella nr. 825, Chapella, Cinuos-chel
- Adattaziun via champestra, Camping Chapella, parcella nr. 377, Chapella, Cinuos-chel

Iniziativa dals 19 marz 2018

La suprastanza cumünela ho tratto ils 18 avrigl 2018 l'iniziativa regard la controlla da la remuneraziun dals presidents cumünels i'ls ultimsesch ans. Cun scriver dals 19 marz 2018 (Entro ils 20 marz 2018) inolteschan 29 suotsegnos ün'iniziativa a regard l'adöver da "l'uorden da salarisaziun per uffiziants, impiegos e lavuraints cumünels e vschinels da la vschinauncha da S-chanf". As basand sün art. 19 dals tschantamaints cumünels da la vschinauncha da S-chanf pretendan ils suotsegnos, ch'ün giurist da lingua rumauntscha controlla insembel cun la cumischiun da gestiun (cdg), scha las remuneraziuns e spaisas pajedas i'ls ultimsesch ans als presidents cumünels correspuondan a l'uorden da salarisaziun per uffiziants, impiegos e lavuraints cumünels e vschinels da la vschinauncha da S-chanf, approuvo da la radunanza cumünela dals 25 october 2007. Eventuelas irregularitets dessan gnir comentedas e qualifichedas in ün rapport a maun da la radunanza cumünela. Tar üna declaraunza da validited da l'iniziativa tres la suprastanza cumünela po gnir suottamiss la dumanda per l'approvaziun il pü bod a la radunanza cumünela ils 20 gün 2018. L'examinaziun da la situaziun crudess illa sted e l'examinaziun pudess gnir pür suottamissa ad üna radunanza cumünela d'utuon. Independentamaing da la declaraunza da validited ho la suprastanza cumünela tratto il desideri da l'iniziativa. La suprastanza cumünela ho constato, cha independentamaing da la validited da l'iniziativa, cha quista chosa es urgianta e stu gnir sclariu immediat. I vegn do inavaunt l'incumbenza a la cdg da fer ils sclarimaints pü a fuonz cun ün giurist. La suprastanza cumünela giavüscha, cha la radunanza cumünela vegn missa in cugnuschentscha dal rapport da l'examinaziun a la radunanza cumünela ils 20 gün 2018.

Impü ho la suprastanza cumünela decis d'examiner eir la remuneraziun da l'intera suprastanza cumünela. Cul scriver dals 21 meg 2018 ho la cdg comunicho cha la sentenzcha cul giurist as retardescha e cha la cdg es ferm angascheda da pudair preschanter il reultat pü svelt pussibel a la suprastanza cumünela ed in seguit a la radunanza cumünela ils 20 gün 2018. Cul scriver dals 04 gün 2018 ho comunicho la cdg, cha dischplaschaivelamig s'ho retardo tuot l'examinaziun causa mancaunza da documaints e pervi da la bgera lavur dal giurist ed impü pervi cha la tematica es ter vasta e complexa. La cdg ho decis inembel cul giurist, da pudair rapportar pü tard scu pretais da la suprastanza cumünela, nempe pür pel decuors da avuost-settember.

La suprastanza cumünela ho decis in occasiun da sia tschanteda ils 12 settember 2018, cha l'iniziativa es valida. Als iniziants e la cumischiun da gestiun es gnieu comunicho la decisiun ils 18 settember 2018. Impü vegn infurmo pü in detagl a la prosma radunanza cumünela ils 24 october 2018.

Senda Ruvantschè – Ospiz Chapella

Las lavuors vi da la via chantunela « Tschessa Granda – Punt Vallember » sun in ün stedi avanzo, uschè cha la senda progeteda (etappa 2) da la via chantunela fin sü l'Ospiz Chapella po gnir realisesa. Las lavuors da fabrica vegnan exeguidas tres la ditta da fabrica Costa AG da Puntraschigna. Ils cuosts per pudair realiser quista senda (etappa 2) s'amuntan sün fr. 21'740.00. Las lavuors per la realisaziun da la senda paun gnir colliedas cullas lavuors da la via chantunela.

Lingia d'ova Cinuos-chel – Punt'Ota

Scu planiso dess gnir relaiso la renovaziun da la lingia d'ova potabla da Punt'Ota.

La prüma part da l'etappa 1 es già exeguida cun il spustamaint da la lingia d'ova i'l permier da la via chantunela.

Uossa dessan gnir exeguidas las lavuors vers Brail. Cun que cha'l bloc da la Swissgrid vain eir realiso, esa ultimamaing pussibel da druver las sinergias cul s-chev per las lingias d'ova. Ils cuosts per las lavuors da l'etappa 2018 d'eiran planisos i'l plan d'investiziun cun fr. 320'000.00.

L'import per la realisaziun sun fr. 275'000.00 voul dir, cha'ls cuosts sun baintaunt pü favuraivel scu previs. La part da l'etappa 2019 sur fr. 230'000.00 vegn realiso l'an chi vegn. Las lavuors sun gnidas surdedas a la firma Costa AG da Puntraschigna per fr. 80'393.30 incl. Isp. e las lavuors da sanitari a la firma Pinggera SA per fr. 72'172.40 incl isp.

Dumandas da contribuziuns

La suprastanza cumünela aderischa seguintas dumandas da contribuziuns :

- Jan Tichy sponsoring EHC San Murezzan
- Engadin Skimarathon
- Institut da prescrutaziun da la cultura Grischuna
- Societed Engadin Event concert a Zernez
- Vschinauncha da Silvaplauna, divers evenimaints

Chamanna dal park Varusch – contribuziun d'allontanamaint

La suprastanza cumünela ho piglio cugnuschentscha in occasiun da sia tschanteda dals 22 avuost 2018 da la charta da sar Gian Rico Blumenthal regard da surpigliar ils cuosts per l'allontanamaint ed las tualettas da Toi Toi chi haun stuvieu organiser causa la süttina quista sted. Las duos tualettas provisoricas d'erian per tuot ils giasts illa Val Varusch accessiblas e sun gnidas ütilisedas intensivmaing. La suprastanza cumünela decida in quist cas da surpigliar ils cuosts per üna tualetta per fr. 625.00.

Culuostras S-chanf

La suprastanza cumünela ho tratto in sia tschanteda dals 08 avuost 2018 la relaziun da lavur traunter las culuostras e la vschinauncha da S-chanf. La suprastanza cumünela es cler da l'avis cha la gestiun da la baseglia e cun que eir las lavuors colliedas sun chosa da la baselgia evangelica. Tenor ün contrat da l'an 1950 traunter la plaiv evangelica e la vschinauncha politica, es la vschinauncha politica respunsabla per il mantegnimaint da la baselgia. Impü decida la suprastanza cumünela cha las lavuors da mantegnimaint vegnan fattas in futur cun engens mezs, voul dir cha la gruppa da lavur da la vschinauncha da S-chanf exeguischa quistas lavuors. In quist regard haun gieu lö divers discuors cun la baselgia evangelica e cun las culuostras. In quist connex es la suprastanza cumünela da l'avis, chi's dess desdir las duos relaziuns da lavur cun las culuostras da la vschinauncha da S-chanf.

Installaziuns electronicas in chesa cumünela

In connex cullas lavuors d'IT cha la firma informatica es pel mumaint vi dal fer in chesa cumünela, drouva que püssas novas installaziuns electronicas. Causa cha la firma Elektro Koller ho già fat las lavuors tar l'ultima renovaziun d'IT fo que sen, cha eir quista vouta exeguischan las lavuors sur üna ditta cun l'esperienza. La suprastanza cumünela surdo la lavur per fer las installaziuns bsögnjavlas in connex cun la rait da fibra in chesa cumünela a la firma Elektro Koller per fr. 2'755.85 incl isp.

Principi public

I'l temp passo es gnieu discuto in divers gremis politics scu per exaimpel il grand cussagl e la conferenza dals presidents sur dal principi public e sun gnieu tratt diversas decisiuns in quist connex. Illa constituziun cumünela nu vegn referieu sün quist punct regard radunanzas cumünelas publicas. Però es descrit i'l artichel 22 al. 1 da la ledscha da vschinaunchas dal chantun Grischun, cha la radunanza cumünela es publica. Impü es gnieu giavüscho illas ultimas radunanzas cumünelas da duos votants la publicaziun dal portocols da la tschantedas da la supranza cumünela. La supranza cumünela tratta quist affer aunch'üna vouta illa prosma tschanteda in marculdi, ils 26 settember 2018.

S-chanf, 21 settember 2018

La supranza cumünela